

LƏMAYASƏE TU TƏM TAKƏLAYA Kutubtu

Takəlaya kanə ka taa ké tə naaki ləmayasəe tu təm. Ama ı ləmayasəe fayana yulv nyəna ké. ı hüləyi ı takəlaya kallaa sı yulv í cayana ı ti tə pə ké kpete ké. Mpi tə, pə taya təmlə toŋ nyəntə taa ké təcayanav mayamaya wəe. Pə taya pulv, pə təna mpi yulv lakı atə cənə tə pə wə tənaya ké. Tənaya nı nyənəa İso təm cəkənav wə yulv kə katə. İso tike wənna tam na inı ı kəsəyənə yulv na ı kulapəm tənə nyuyv.

İsəna pə faya ləmayasəe tu təm takəlaya tə:

Ləmayasəe tu sı atə nyəmnaa təm cəkənav wə katə,
titite 1:1-4:16

Takəlaya tu tasəyi layatv kə atə nyəm təə, titite
4:17-10:20

Kutəkətv, titite 11:1-12:14

Pə tənə pə wə piti ké na pə cəkənav wə katə

¹ Tafiiti pəyalv ləmayasəe tu wei ı ké Yosalem wulav tə ı təm ntə. ² ı təma sı pə tənə pə wə piti ké na pə cəkənav wə katə isı yulv lükuyv sı í tiiki heelim tə. ³ Yulv kükuyv ı ti na təma tənaya atə cənə tə, pepeye ı waaki pə taa? ⁴ Luluyv looŋa kanə ka səki ké na looŋa leŋka náá kulı na ká sı tətə, na tetv náá wə mpv tu layasəyi. ⁵ İlim lu ké na pé tó na pé huliyna pə lonte taa ké məlvuyv sı pə tasəyi luw. ⁶ İlena heelim náá makı na pé pukina ilim mpətəŋ təə, na pé mələna pə ntəyən təə. Na pé má na pé cəə kilikite, na pé tayanı cuyusuyv. ⁷ Pusi tənə kpeŋ teŋku taa

ké. Ama ílé u suyi. Həyəluyɔ ŋku ku tɔɔ pusi kpeŋna tɔ, kulumuyɔ ŋku ku tɔɔ ké su kpeŋ, si kaa layasi. ⁸ Pə təna pə tɔŋna lapu ké pu yeki. Nəyɔlv u pəsəyi na í tɔ si isəle nyəyəsəyi nyənuyɔ yaa ŋkraŋuyɔ nyəyəsəyi nuw. ⁹ Mpi pu wɛɛ tɔ, mpi pu wɛɛna, na mpi pu lapa tɔ, mpi pu tasəna lapu. Kufam napəli pə fɛi antulinya taa cənɛ. ¹⁰ Paa pulɔpu lapa na yəlaa tɔŋ si kufam, pələ pu tema lapu ke pusi nsi si tɛɛwa tɔ, si taa ké na pácó pə takɪ tá. ¹¹ Nəyɔlv u tɔsəyi mpi pə tɛɛwa hatoo lɔŋtaa tɔ pə tɔɔ. Mpu tɔtɔyɔ tá waali nyəma ná kaa yeke pulɔpu si pələ pa waali nyəma í ná.

Nyəm mpi ləməyasəe tɔ hika i kulapələ taa tɔ

¹² Mpyóyó ləməyasəe tɔ təma si: Ma tɔyɔ kawulaya ke lseyeli nyəma tɔɔ ké Yosalem. ¹³ Ma ha ma ti si má pɛeki teu na ləməyasəe, na má cəkəna pə təna mpi pə laki antulinya taa tɔ. Pə ké wahala təmle nte lɔ tɔyi yəlaa tɔyɔ. ¹⁴ Ma nyəma təma təna nna yəlaa laki atɛ tɔ. A təm na katɛ ké isu yulɔ lukuyɔ si í tiiki heelim tɔ. ¹⁵ Mpi tɔ, yulɔ kaa siyisi mpi pə kuntilaa tɔ. Pəyele nəyɔlv kaa pəsi na í kala mpi pə fɛi tɔ. ¹⁶ Halɪ ma huɔwa ma taa si ma wɛna nyəm na ləməyasəe ke səsəm na pə tɛɛ Yosalem awulaa mpa pa laala-m tɔ. Pəpətu fɛi ma nyəm tɔɔwa səsəm ke na má cəkəna weesuyɔ təm. ¹⁷ Mpyóyó ma suv fayav na luyɔ kulumuyɔ ke ləməyasəe na kumelentɔ. Uena má cəkəna si pələ pə wɛ katɛ tɔtɔyɔ isu yulɔ lukuyɔ si í tiiki heelim tɔ. ¹⁸ Ye yulɔ leela pulɔpu taa, na í cəkəna-wɪ na í wɛɛna nyəm. Mpu tɔtɔyɔ i lanle ká wakəlana-wɪ na í tɔyɔ pə kunyɔŋ.

2

¹ Ləməyasəe tɔ si: Ma huɔwa ma taa si maa yələna

weesuɣu na má nu lelenj. Uena má mayana si pæle pæ ta waasi pulv. ² Wei i nyənəɣi weesuɣu tɔm ke yem tɔ pæ ké kumelətəm ké. Yaasi inu u waasəɣi pulv. ³ Maa mayasa ma taa si má ha ma təɣi solum. Uena má tənna lamayasee, na má pəsi ma təɣi kpaŋtv. Uena má cekəna mpi pæ ké kpaŋɣv tɔ. Uena má mayasi si má ná mpi pæ kəla teu si yəlaa í la pa weesinj waatv ke atə cəne tɔ. ⁴ Ma lapa təma səsəna ké. Ma ŋmawa ma təɣi kutuluŋ na má tuu tuŋ wei pa yaa si lesen tɔ i tawa. ⁵ Ma tɔwa ma təɣi tawa na má sɔ tuŋ kukuləŋ waani waani. ⁶ Ma hee pusi na si lum niyitiyi tuŋ hətɔɣv ŋkv. ⁷ Ma yapa yomaa apalaa na alaa na pá lɔli piya ke ma təyaya taa. Uena má weena tɔla ke səsəm na pé kəli isu mpa pa laala-m Yosalem taa tɔ. ⁸ Ḿpóyó ma kuuwa tətəɣə həɣələŋ awulaa kpaŋcoŋ, paa pa wolanaa, paa pa liyitee. Ma kpaɣa yonyoolaa apalɔnyəma na alɔnyəma. Ma kpaɣa alaa ke tuutuuma na pé kəli isu yulv ká nyuli tɔ. ⁹ Haləna ma nyɔɣv kuli na pé kəli mpa pa laala-m Yosalem ke weev tɔ. Paa na mpv, ma təkə ma lamayasee ke ḿpóyó. ¹⁰ Ma ta kisina ma ise ke mpi mpi a nyuləɣi tɔ. Pəyele ma ta kisina ma təɣi lanhuləmle natəli. Mpi tɔ, ma yələyana ma təma tənaya. Mpi pæ ké ma nyəm ke ma təma tənə taa təɣələ. ¹¹ Ḿpóyó ma nyəna ma təma na wahalanaa mpa ma təɣə a lapv taa tɔ. Pə tənə pə we kate ké isu yulv lɔkvɔv si í tiiki heelim tɔ. Kawaaya fei pulɔpv taa ké atə cəne. ¹² Ḿpóyó ma caawa si má cekəna si, ye yulv ke lamayasee tv kawaaya ŋkaya i wena na pə kəli kpaŋtv na kumelenj? Uena má pəsəsi ma ti si, wei i ká təɣə kawulaya ke ma lonte tɔ i ká la na í kəli mpa pa laala-m tɔ? ¹³ Ma nyəmá si lamayasee kəla

kpaŋyɔv ke teu. Isu nyaalam kəlvɔv səkrɛtɔv tɔ.
¹⁴ Pə taya pɔlv, lamayasee tu nyəmə ɪ təpote ké. Uena
 kpaŋtɔ náá yontiɣi yem. Ue ma nyəmə si pə kəŋ pa
 tənaya kɔátóyú kɔlvɔmɔv kɔɛntɔv ké. ¹⁵ Uena má
 tɔ ma taa si, ye pu kɔɛntɪ ma na kpaŋtɔ ke kɔátóyú
 kɔlvɔmɔv. Ue pepe tɔɔ ké ma tɛɛ-ɪ lamayasee. Təle
 tə we kate tɔtɔyɔ. ¹⁶ Paa lamayasee tu, paa kpaŋtɔ,
 pa naale pa səki teitei ké. Páɔ́ paa tɔɔsəɣi nəɣɔlv
 tɔɔ ké tam tɔɔ na pə kəli lelv. Ye kɔyɛɛŋ í sikaa pa
 sɔɔki pa naale pa tɔɔ ké. ¹⁷ Ma nyəɣəsə weesyɔv ké.
 Mpi tɔ, ma taa kraana mpi yəlaa laki atɛ tɔyɔ. Pə
 tənə pə we kate ké isu yɔlv lɔkɔyɔ si í tiiki heelim tɔ.
¹⁸ Ma taa kraana təma wena ma tɔyɔ wahala na má
 la tɔyɔ. Mpi tɔ, wei ɪ ká lɛɛtɪ ma lonte taa tɔyɔ ma kəŋ
 yelinav. ¹⁹ Pəyele nəɣɔlv ta nyɪ si ɪ ká la lamayasee tu
 yaa kpaŋtɔ. Pəyele pɔntɔ ɪni ɪ ká paasənnə mpi ma
 tɔyɔ wahala na má lana lamayasee ke atɛ tɔ. Təle tə we
 kate tɔtɔyɔ. ²⁰ Uena ma apalɔtɔ yɔələnə təmlɛ nte ma
 lapa atɛ tɔ. ²¹ Mpi tɔ, ye yɔlv lapa pɔlv na lamayasee
 na í waa pə taa. Uena í yelina yɔlv wei ɪ ta wu pə tɔɔ
 tɔ. Pə we kate tɔtɔyɔ, pəɔɔ pə wuki. ²² Ye mpɔv yəlaa
 kaasɔyɔv pa ti na pá tɔki wahala na pá kaaki yem tɔ,
 weye pa waaki atɛ cənɛ? ²³ Pa kɔyɛɛŋ tənə ke cɔɔsɛɛ
 ké. Pa təmlɛ ke wahala nyəntɛ. Paa ahoo paa hɛɛsəɣi.
 Təle tə we kate tɔtɔyɔ.

²⁴ Mpi yɔlv pəsəɣi tɔyɔle tɔyɔv na nyɔɔv, na ɪ təmlɛ
 kɔlvɔlv yɔələnəv. Pəle pə ké Isɔ kɔcɔɔv tɔtɔyɔ. ²⁵ Mpi
 tɔ, ye Isɔ tá ha yɔlv si í tɔyɔ na í nu lelen ɪ kaa ná.
²⁶ Yɔlv wei ɪ we Isɔ ké teu tɔyɔ ɪ haaki nyəm na
 lamayasee na lanɣhɔlvmlɛ. Uena í tɔ ɪsəɣav si ɪlé ɪ
 caləsəɣi na í kaaki kɔpaŋ. Təle tə we kate tɔtɔyɔ isu
 yɔlv lɔkɔyɔ si í tiiki heelim tɔ.

3

Paa mpi na pə waatu ké

¹ Paa mpi na pə waatu ke ateye. ² Luluyv wena pə waatu ké, na səm na pə waatu. Tuvv sɔv na pə waatu, na kv kpesuvv na pə waatu. ³ Kuvv wena pə waatu ké, na waav na pə waatu. Nnav na pə waatu, na yəkvuvv na pə waatu. ⁴ Wula na a waatu ké, na wona na a waatu. Lanwakalle na tə waatu, na paale na tə waatu. ⁵ PEE ləvuvv waatu wee ké, na a tɔsvuvv na pə waatu. Wayaluvv wena pə waatu, na pə kaasi waatu wei n ká se-wi tɔ. ⁶ PEEKuvv waatu wee ké, na lepu na pə waatu. Waatu wei yulv ká su pulv tɔ, na waatu wei i ká lə-wi tɔ. ⁷ Cəlvuvv waatu wee ké, na nyaluvv na pə waatu. Sum wena pə waatu ké, na yəvətaya na ka waatu. ⁸ Səlvuvv waatu wee ké, na pə kaasi taa kpanav waatu. Uena yovu na kv waatu, na heesuvv na kv waatu.

⁹ Pepeye təmlə latv waaki? ¹⁰ Ma nawa kulapəle nte Iso tɔvɪ yəlaa tɔ. ¹¹ Pə təna mpi i lapa tɔ pə tewa pə waatu ké. Haləna í tv yəlaa taa ké tam tɔv ləmayasəle. Paa na yulv u pəsəvɪ na í cekəna təmlə nte Iso lapa hatoo kancaalaya na tə tənaya tɔ. ¹² Uena má cekəna sɪ yəlaa fəina lanhulvmlə natəli. Ye pə taya pá ha pa təvɪ pa ti lelenɪ nuv taa ké pa weesɪvɪ waatu. ¹³ Yulv təkuvv na í nyəvki na í yəvəvəvəna i təmlə kululvɪm tɔ pə ké Iso kvvəvəv ké. ¹⁴ Uena má cekəna sɪ pə təna mpi Iso laki tɔ pə we tam tɔv ké. Pulv ta sɔvsi pəcɔ pə ta pasa. I laki rɪpúvɪ sɪ yəlaa í nyi i sɔsvəvntv. ¹⁵ Mpi pə laki nəvəvəv na mpi pu te na pə kəv tɔ, pu tema lapv ke hatoo ləv ké. Iso lakəna na pə ləvəvɪ.

Pə təna pə tɛsəvəvəna səm ké

16 M'p'ógú ma tasa cekənav tətə si, isayatu təkəna kawulaya ke timpi pu wee si pá təŋ siyisuyu na pá ha tampana tə. 17 Ulena má tə si: Iso ká hɔvna isayav na siyisilu ké. Mpi tə, paa mpi pə laki pə waatu ké. 18 Ye pə kaasa yəlaa de Iso mayasəyi-weye si pá cekəna si pa ta kəli təla ke pulv. 19 Pə kpenta yulv na tətə ke kpátúyú kulvɔvɔv ké. Feesuyu kulvɔvɔv ke pa wena, pa naale paa tɛ na pá si. Yulv ta kəli tətə. Mpi tə, pə təna pə cekənav wɛ kate tə se. 20 Pa təna paa tayanɪ tɛtv nti paa ŋmana-wɛ təyɔ pəsɔv ké. 21 Nəyɔlv kaa pəsi na í huli təfoo si yəlaa ləsasi kpaaki iso na təla nyənsi náá saali atɛ. 22 Tənaɣa ma cekənaa si yulv feina pulv na pá tɛɛ si í yəələna ɪ təmle kulvɔvɔv. Mpi pə ha-ɪ təyɔle. Pə taya pulv, ɪ kaa pəsi na í yəələna cele nyəm na í ta tata təna.

4

Mpi pə ta təŋ yəlaa weesɪŋ taa tə

1 M'p'ógú lamayasee tu tasaa si: Hei í nyəni isəna pa ŋmakəla yəlaa na pá wiiki tə. Nəyɔlv u puki pa puɣususuyu. Pa ŋmakəllaa mpɛyɛle toŋtənaa. Nəyɔlv u pəsəyi si í waasi-weye pa niŋ taa. 2 Ma hɔv si mpa pa səpa tə pa kəla lelenɪ nuw ke weesɪŋ nyəma. 3 Ulena pə tu kələna mpa pa ta tu lələta tə. Mpi tə, pa ta nyɪ isayatu nti yəlaa laki atɛ cəne tə.

4 Ma nawa tətə si yəlaa təkɪ wahala ké na təma si pá hiki na pá tɛɛ pa ləlaa. Pələ pə wɛ kate tətəyɔ isu yulv lɔkɔvɔv si í tiiki heelim tə. 5 Felentú susiyi ŋkpalasi ké na í tɔyɪ ɪ təyɪ wakəlvɔv. 6 Pə kəla teu si yulv í weena ŋkute kulvmtəle na í nukɪ lelenɪ, na mpi ɪ ká weena ŋkulee naale na pá wɛ kate tə.

⁷Ma nawa tətəyō kate lentē ke tətū tō. ⁸Yulw wenna i tike təkōŋ, i feina alw yaa neu, yaa pəyaya, pəcō i laki təmle u nyəyəsəyi. I caa ké si í sōsəyi wenaυ ké tam. Paa na mpv tō, na í pōsəyi i təyi tam si: Awe tō ké ma wuki na má kisiyi lelen nūw. Yaasi inu i ké isayaw ké na i cekənaυ we kate. ⁹Pə kəla teu si yəlaa naale í kaa, na mpi yulw ka wēe i tike tō. Mpi tō, pa waaki pa təmle taa ké. ¹⁰Pəyele pa taa wei í tu hotaa lelū kusī-i. Ama wei i wē i tike tō ye i hotaa u naaki kusulw. ¹¹Ye yəlaa naale i həntaa, pə haŋəyi-weyē. Ama pə kaa haŋ wei i wē i tike tō. ¹²Ye yulw wē i tike ŋmakəllū ŋmakələyi-i ké. Ama ye pa wē naale ulē pa pəsi-i. Ifatəle u cekī ləŋ isu ŋmənaya mayamaya.

¹³Ifepu wei í ta ke kasayampu na í wēna ləmayasee tō i lapa sana na wulaw kukpatulw kumelen ŋku ku kisiyi layatv tasuyv tō. ¹⁴Paa saləka taa ké ifepu inu i lunaa si i tōki kawulaya, yaa pa tu lula-i konyəntv ke kawulaya taa, ¹⁵ma naaki si ifepu wei inu i ka təyō kawulaya ke wulaw inu i lonte taa tō yəlaa təna ká wēe i waali ké. ¹⁶Yəlaa tuutuuma ka wēe i waali ké, paa na mpv pele pa waali nyəma laŋa kaa huləmənə-i. Mpi tō, pələ pə wē kate tətəyō isu yulw lukuyv si í tiiki heelim tō.

Nəyō suw kpa nyəm

¹⁷La laakali ke waatv wei n puki Isə təyaya taa tō. Polo si ŋ nu na ŋ wēna Isə səyəntv. Pə kəla teu ke tōla kətaya ŋka kumelen laki na í ta cekəna si isayatv ke i laki tō.

5

¹Taa hulina yəyətaya ke Isə isentaa na ŋ tá huw nyá taa. Pə taya pulw, Isə wē isəttaa ké na nyaa wē ate. Mpv tō, nyá təm í taa kəli payale. ²Pəpətv fei lelen, nəyəsēe

tuutuuma kəŋna toosee ké, na yəɣətaya katatəlaya náá kəŋna kumələtəm. ³ Ye n su Iso ké nəɣə, la-ke, taa yele na pá leeli. Mpi tə, Iso lanje u heekəna kumələməŋ. Pə təə ké pə wɛɛ si ń təkɪ nti n sukɪ tə. ⁴ Pə kəla teu si ń taa su nəɣə, na mpi n ká su na ń kaa la tə. ⁵ Taa yele na nyá kuyəɣətutu sʊsʊ-ŋ ɪsəɣatu taa. Na pá kəə na, pá caali-ŋ si ń heeli kətʊb si pə yʊkəna-ŋ. Təfə Iso ká mʊna-ŋ pááná na í wakəli nyá kulapəm. ⁶ Toosee katatəlaya ké təm kpai nyəntu ke yem ké. Pə təə ké pə wɛɛ si ń nyana Iso.

Mpale teləsvy ke səsəəntu taa

⁷ Ye timpɪ yəlaa muɣuliɣi konyəntu na pá tʊɣɪ-ɪ tasəkəle, pə taa la-ŋ piti. Mpi tə, yʊb səsə kentiɣi səsə ləb ké, na pɛle pa wɛna pa səsə wei ɪ kəla-wɛ tə. ⁸ Pə kəla teu si tɛtʊ í wɛɛna wulav wei ɪ səŋna tawa haləm təm taa tə. Mpi tə, tənaya pa təna pa təɣənaya lukəna.

^a

Isəna liyitee u waasəɣi tə

⁹ Liyitee səllʊ u nyəɣəsəɣi-yɛ, na wɛnav səllʊ ná fɛna kawaaya. Təle tə wɛ piti tətəɣə. ¹⁰ Ye wɛnav í hukɪɣi, ku təɣəlaa hukɪɣi tətəɣə. Wɛɛntaa kawaaya nté pa naakʊv pa wɛnav na pa ɪsɛ tə. ¹¹ Təmle latʊ tooki ké na í nu leleŋ, paa ɪ təɣə pəɔ yaa səsəm. Ama wɛɛntu wɛnav katatəlaya u yeki si í too teu. ¹² Yaasi ɪsəɣav nəɣəlvɣv ma nawa tɛtʊ təə, ɪnəɣəle ɪsəna yʊb sukʊv liyitee na á tayanɪ ɪ mayamaya ké wakəlvɣv tə. ¹³ Ye ɪ nyʊv səpa na ɪ liyitee anɪ á saali, ye ɪ lʊla apaləpəyaya, nin kpɛtɛ ke kɛle ka kəŋ. ¹⁴ Isu ɪ too ka lʊlvɣv-ɪ kpɛtɛ tə, ńpóɣ ɪ ká si kpɛtɛ tətə, ɪ kaa təkɪ ɪ təmle pʊlvɣv ɪ nin taa. ¹⁵ Si yʊb í si kpɛtɛ ɪsu ɪ ká kəm

^a **5:8** Pə wɛɛ si wei ɪ səŋna konyəntʊnaa ke pa tawa haləm taa tə.

tə pə ké lanwakəlle səsəəle ké. I təmle təm lapa kate ké, kawaaya fei tə taa. ¹⁶ Səkrətuyu, na lanwakəlle, na nəyəsese tuutuuma, na kətəmən, na pááná taa ké i wεε, haləna i səm.

¹⁷ Ḿpúyú lamayasee tu tōma si: Nti ma nawa təyole si yulv lanle í huləməna i kətəyov, na i kunyonyov, na i tōma tēna nna i laki ate tō, haləna i səm. Mpi tō, i paa tete nté tēna. ¹⁸ Mpa pa tēna Iso haaki toŋ na wənav si pə ké pa nyəm na i yeki-wε si pá təyov na pá yəələna pa təmle tō. Mpu inu pə ké Iso kuvov ké. ¹⁹ Mpi pə tōv tō, saa wei Iso tuyi yulv taa ké lanhulvmlə tō, u paasəyana teu si i weesuyu topilaa.

6

¹ Ḿpúyú lamayasee tu tōma si: Ma nawa wahala wei i kəla yulv ke ate cəne tō. ² Ye isu Iso ha yulv nté toŋ na wənav na í kusu i nyovv i ta lan pulv. Ama i ta ha-i mpaav si í təyov-wi, ilena í yelev na kpai tu nəyolv ilé i təyov. Təle tə cəkənav wε kate ké na lanwakəlle səsəəle. ³ Yaa isu yulv luləna nteye piya nunuwa (100) na í kpatəli teu, ilé i ta yəələna i wənav mpi na i lanle hulvmi, ilena í si na pá pimi-i. Pəyaya ŋka pə hələsaa tō ka lapa-i na sana. ⁴ Pə lula pəyaya ŋkeye yem ké na ká məli səkrətuyu taa na ká həte saali tēna. ⁵ Ka ta tu nav ilim pəyele ka ta nyi si pə wεε. Ka kəla həesuyv ke yulv inu. ⁶ Si yulv í təyov pusu iyisi naale (2000), na kawaaya fei pə taa tō pepeyele i waawa? Anu lonte kulvmtəle taa ké pa tēna pa puki.

⁷ Yulv iwule tēna, i nəyov púyú tōv ké i luku, paa na mpv i kunyulovv u səki. ⁸ Kawaaaya ŋkaya lamayasee tu wəna na í tēe kumeləŋ? Na ye kunyovntu í nyəmá i ti kaasovv ke weesuyu təm taa, ilé i waa weyele? ⁹ Pə

kála teu si yulu í yóoləna mpi i nawa tə, na mpi i ká yóoləna i kunyuləm tə. Pəle pə we kate tətəyə isu yulu lukəyə si í tiiki heelim tə.

Yulu lamayasee tu we tənaya

¹⁰ Pə təna mpi pə wee tə, pa tema-wəxi nyəm ke hatoo ləh, tə nyəmá teu ke mpi pa yaa si yulu tə, í na mpi pə kəla-i toh tə paa həh. ¹¹ Ye yəyətaya í kəla katatəlaya, mpv tətəyə təmnaa paɣale heləxi. Ile yulu kawaya nté we? ¹² Awe nyəmá mpi pə maya yulu ke i weesuyu waatu taa tə? Kə kuyeeh we kpete ké isu ilemoyu. Yaa awe ká heelina-i mpi pu la i səm waah ké tetu təw ke cele tə?

7

¹ Mpyóyó lamayasee tu tasaa si: Yulu hətə yaakuyə tə, pə kəla teu ke tulaalo kupa. Pəyele i səm kuyaku kəla teu ke i luluyə nyəhku. ² Pə kəla teu si yulu í suv ləyaya təyaya taa, na mpi í ka suv acima təyaya taa tə. Mpi tə, ləyaya təwəyənə-tu si səm nté paa yulu wei i tomle. Ile pə wee si yəlaa í mayasi pə təm na pá wəna pa isə. ³ Lanwakəlle kəla teu ke wona. Mpi tə, tə pəsəxi na tə nyəsi i isentaa, iləna tə tayani i taa. ⁴ Ləyaya təyaya taa ké lamayasee tu puki, iləna lamayasee fei tu náá polo təyaya hka ka taa pa hmaaləxi tə. ⁵ Pə kəla teu si í nu isəna lamayasee tu kpułəxi-əh tə na mpi n ká nu lamayasee fei tu yontu tə. ⁶ Pə taya pulv, lamayasee fei tu wona we ké isu sowa yaakuyə kəkə taa ke tiipile tee tə. Təle tə we kate tətəyə.

⁷ Nmakəluuyə susəxi lamayasee tu ke kpañuyə ké, na kuhav asilima nyəhku náá pəsi-i isayav. ⁸ Təmlə təm kəla teu ke tə caaluyə. Pəyele suulu kəla teu ke

kalampaani. ⁹ Taa hulina páána muvu, pə taya pulv lamayasee fei nyáma taa ké páána wee. ¹⁰ Taa yəgəti si: Pepe təw ké ləntaa kəla teu ke nənnəw? Pə taya lamayasee tu kuyəgəttu ke təna. ¹¹ Lamayasee we teu ké isu kpancoou, yəlaa təna pəsəyi na pá waa a taa. ¹² Pə taya pulv, a kentiyi yulv na pá kəli liyitee. Na nyəm kawaaɣa nté si lamayasee haaki weesuyu ke mpa pa wəna-ye tə.

¹³ Nyəni ləw kulapəle, awe pəsəyənə na í siyisi mpi i kuntilaa tə? ¹⁴ Yəwələnə lənhəlvəmlə ke tə kuyaku wule. Ye pə tala ləhwakəlle kuyaku lə n pəsənə laakali. Mpi tə, ləw lapənə pə təm naale si yulv í taa cəkənə mpi pu mayana-i tə. ¹⁵ Ma nawa pə tənaya mpyóyó ma weesuyu kətopuluyə kəne kv taa. Tampana tənlə pəsəyi na í si i tampana tənyəy taa, na isayav náa wəenə weesuyu ke i isayətv taa. ¹⁶ Taa nyəni nyá təyi siyisilu, pəyele taa huli nyá ti si n ké lamayasee tu na n teləsi mpəle ke pə taa. Pepe təw ké n ka wakəli nyá ti? ¹⁷ Pəyele taa ha nyá təyi isayətv taa yaa n pəsi lamayasee fei tv. Pepe təw ké n ká si na nyá waətv tatata? ¹⁸ Pə we teu ké si yulv í təy layətv tasəyə pəne pə təm naale. Mpi tə, wei i nyaɲna ləw tə, i kaa svv mpəle teləsvy taa. ¹⁹ Lamayasee haaki a tv ke təy ké na pá kəli icəte nte tə təw kufənənəna naanəwa kentaa tə. ²⁰ Siyisilu fei atə cəne na í laki kvpəntv na i kaa pənti. ²¹ Taa ke ŋkpanɲ si n nukɪ yəlaa kuyəgəttu təna. Ye nyá təmlə tv tvv-ɲ taa mv páána. ²² Mpi tə, nyá mayamaya n nyəmá nyá taa si wulee wulee n tvvki ləlaa.

²³ Ma mayasa pə tənaya mpv na lamayasee, haləna má tó si: Maa səsəsi lamayasee. Ue ma ta pəsi. ²⁴ Puləpv cəkənav təm tēe ma təw ké. Pə təm kəla luməy təcuyucuɣu, nəyəlv kaa pəsi na í tala pə

tənaɣa. ²⁵ Ụlɛna má sʊv pɛɛkʊvʊ na ɪsələ kʊsɛɛmlɛ sɪ má ɛkəna, na má hiki ləmayasee, na má mayasi ma taa na má nyɪ sɪ ɪsayatʊ kɛ ləmayasee laŋvʊv kɛ, na kpaŋvʊv náá kɛ kʊmɛlɛntʊ. ²⁶ Ma ɛkənaa sɪ alv wei ɪ kpaakɪ ɪsu katəka tɔ ɪ kəla səm kɛ nyan. ɪ sɔɔlvʊv wɛ kɛ ɪsu puluvʊ na ɪŋkpalasi náá wɛɛ ɪsu alukpala. Yʊlv wei ɪ lakɪ ɪsɔ lvʊv nyəntʊ tɔ ɪnɪ ɪ fitiyina alv ɪnɪ. Ụlɛna í kpa ɪsayav. ²⁷ M̀p̀ỳg̀ỳ ləmayasee tʊ tɔma sɪ: Ma nyəna yaasinaa kɛ kʊlvɔm kʊlvɔm sɪ má ɛkəna-wɛ. ²⁸ Ma tʊ tɔŋa pa taa kɛ pɛɛkʊvʊ ma ta hikita. Apalaa iyaya (1000) taa ma hika apalv kʊlvɔm wei ɪ kɛ apalv na tampana tɔ. Ama ma nyəna alaa təna taa, ɪlɛ ma ta hiki paa kʊlvɔm. ²⁹ Ụlɛ nti ma nawa tɔɣələ sɪ ɪsɔ lapa yʊlv kɛ na í siyisaa, ɪlɛna yʊlv náá lá na pə təna pə lá kate.

8

¹ M̀p̀ỳg̀ỳ ləmayasee tʊ tasaa sɪ: Awe wɛnna ləmayasee ɪsu má, na pʊntʊ nyəmá təmnaa kilisuvʊ? Yʊlv ləmayasee lakɪ kɛ na ɪ ɪsɛntaa hɛtɪ na pə tɛ.

Wulav tɔnav tɔm

² Tʊna wulav kʊvɔɣɔtʊtʊ kɛ nɔɣɔ ŋka n ka sɪwaa ɪsɔ tɔ ka tɔɔ. ³ Taa hulina-ɪ hatələnəv yaa n ká nyvʊv kɛ ɪsayatʊ natəlɪ tɔ taa. Pə taya pulv, mpi wulav sɔɔlaa tɔɣɔ ɪ lakɪ. ⁴ Wulav kʊvɔɣɔtʊtʊ ntɛ sɔsɔntʊ, awe ka pɔɔsɪ-ɪ sɪ: Pepeye n lakɪ? ⁵ Wei ɪ təkəɣɪ kʊsəsutʊ tɔ ɪ kaa na wahala nɔɣəlv. Ləmayasee tʊ ká ɛkəna waatʊ kʊmaya na yaasi kʊpan wei ɪ taa ɪ ká la-tɪ tɔ. ⁶ Pə taya pulv, paa mpi pə wɛna pə waatʊ kʊmaya kɛ, na ɪsəna yʊlv ká la-wɪ tɔ. Ama yʊlv wahalanaa tɔm wɛ-ɪ yʊv kɛ. ⁷ Pə taya pulv, ɪ ta nyɪ mpi pu la tɔ. Awe ka kɛsəna-ɪ ɪsəna pu wɛɛ tɔ? ⁸ Yʊlv nɔɣəlv ɪ ta tɪ ɪ

weesuyu si i ka sɛnɛsi-ku. Pɛyele nɔɔɔlv ta ke sɛm kuyaku tv. Pɛ fei si pɛ ce nɔɔɔlv ke yooɔ nku ku taa, pɛyele isayatu kaa waasi tɛ latu.

Yulwɛɛtu tɔɔ mayasvɔv

⁹ Ma nawa pɛ tɛnaya mpv, na mɛ mayasi pɛ tɛna mpi pɛ laki atɛ tɔ pɛ tɛm na ma huwɛɛ tɛna. Waatu nɔɔɔlv i wɛɛ wei i taa yulv lɛlv nɛmakɛlɛɣi i tɔɔɔntɛle si pɛ tu-i wahala tɔ. ^a ¹⁰ Mɛpɔɔyɔ ma nawa pa pona asayaa ke pa pɛlaan taa na pɛ pi-wɛ na pɛ mɛlɛɣi ilɛna pɛ sɔɔ mpi asayaa mpɛ paa lapa icatɛ taa tɔ. Tɛle tɛ cɛkɛnav wɛ katɛ tɔtɔɔ. ¹¹ Pɛ fei lɛlɛɣi asayaa ke kɛkɛpaa tɔɔ isayatu lapv suwa yulvpiya lotunaa taa. ¹² Isayav pɛsɛɣi na i la isayatu ke tɛm nunuwa (100) na i wɛna weesuyu yaa, ilɛ ma nyɛmɛ tɔtɔ si mpa pa nyanɛna lɔ tɔ pa naaki kɔpantv. Mpi pɛ tɔ tɔ, pa wɛna lɔ sɔɔɔntv. ¹³ Ama isayav nɛ kaa na kɔpantv, pɛyele i kɛn saalvɔv kɛ isv ilɛɛmɔvɔv, i kuyɛɛn kaa tayali. Mpi tɔ, v nyanɛna lɔ. ¹⁴ Yaasi nɔɔɔlv i cɛkɛnav wɛnna katɛ ke antulinya taa. Wulee wulee kɔpama tɛki wahala kɛ isv asayaa, na asayaa nɛ nuki lɛlɛn isv kɔpama. Ma tɛn si: Tɛle tɛ cɛkɛnav wɛ katɛ tɔtɔɔ.

¹⁵ Lanɛhulɛmle ke ma pɔvɔlɛɣi. Pɛ taya pulv, yulv lanɛhulɛmle tɛna ntɛ si i tɔɔ na i nyɔ, na lɛlɛn wei i nuki tɔ. Mpi i waaki atɛ cɛnɛɣɛ tɛmlɛ nte lɔ ha- i i weesuyu tɛna waatu taa tɔɔlɛ. ¹⁶ Ma tɛma ma tɛɣi hav si mɛ cɛkɛna lɛmayaseɛ na mɛ welisi teu ke tɛmlɛ nte tɔ laki atɛ cɛnɛ tɔ tɔ taa. Pɛ taya pulv, paa ilim paa ahoɔ, yulv kaa na tom. ¹⁷ Ma nyɛna teu ke lɔ tɛmlɛ tɛna taa, paa yulv kɛ pɛɛki i tɛmlɛ nte i laki

^a **8:9** Lɛlaa nɛ huɔki si yulv wei i nɛmakɛlɛɣi i tɔɔɔntɛle tɔ i tɛɣi i tɔɣi wahala.

ατε τῶ τῶ τῶ τῶ na í ká, ι kaa cekana. Paa lamagasee τυ
 naxolv tomna si ι ká cekana, ι kaa pəsi.

9

¹ Μρύγύ lamagasee τυ tōma si: Ma mayasa pə tənaya
 mpv pə tōm ke ma taa. Nti ma nawa tōxole si
 tampana tēnlaa na lamagasee nyéma pa tōma tēna
 we Iso nin taa ké. Yulv ta nyi sōlvuyv yaa taa kpanav
 tōm. Pə tēna pə we ι nōxō tōō ké. ² Mpv tō, pə kpentā
 krátōyú kulvmyv ke tampana tēnlv na isayalatu ké,
 na kupaŋ na isayav, na wei ι feina asilima tō na wei
 ι wēna-ye tō, na isōseev kotasi latu na wei ι laki-si tō.
 Kupaŋ wee ké isu isayalatu, na wei ι suki nōxō tō na
 wei ι wēna ι nōxō siv sōxōntv tō. ³ Isu pə kpentōyv pa
 tənaya krátōyú kulvmyv tō pə ké isayatu ke pə tēna
 mpi pə laki antulinya taa tōxō. Isayatu suna yālaa
 lotu taa na kumelēntv ke pa nyama taa ké pa weesin
 tēna taa. Pa tənaya nté atetēle taa. ⁴ Wei ι kpentāna
 weesuyv nyéma tō ι tike ι teelōxōna. Haya ise nyēnka
 lapa sana na tōxōlaya kusəpaya. ⁵ Weesuyv nyéma
 ná nyemá si paa si. Ama sətāa ná tá nyi natēli, pa
 feina kvfeluyv. Mpi tō, pa sōwa pa tōō. ⁶ Pa sōlvuyv
 na pa taa hanaya tēma wakōlvōv. Pa kaa hiki puluyv
 pə tēna mpi pə laki ατε τῶ pə taa.

⁷ Mpv tō, polo na ḥ tōxō nyá tōxōnaya na
 lanhlvmlē na ḥ nyōō nyá svlvv na lamagasēle
 kupante. Mpi tō, Iso lanle hēena nyá tōma ké. ⁸ Suuki
 acima wontu kvhlvmtv ke paa waatu wei. Pəyele
 tulaalv í taa lan nyá tōō. ⁹ Yōōlōna nyá alv wei nyá
 luyv svvwa tōxō nyá weesuyv kvyeēŋ waatu tantaa
 nyēŋ wei Iso ha-ŋ ατε τῶ ι taa. Kawaaŋa ŋka n wēna
 wahalanaa mpa n tōki nyá tēmlē taa ké ατε cēne
 tō pa taa tōxōle. ¹⁰ Paa kulapēle nteye n hikaa si n

lakəna nyá niŋ, la-te na nyá toŋ. Mpi tɔ, təmle yaa huwəe huuu yaa nyəm yaa ləməyasəe təm fəi atətəle taa timpi n puki tɔ.

Ləməyasəe təwaasəle na a təkpišile

¹¹ M'p'óg'ú ləməyasəe tɔ tasaa si: Ma nawa antulinya taa si pə taɣa mpa pa pəsa sewa tɔ pa tike pa təkəna asewa tete. Anɪ yoolaa taa yoolaa tike ɪ lakɪ akanaa. Pəyele pə taɣa mpa pa kəla ləməyasəe tɔ pa tike pa wəkəna tɔɣonaya. Pəcɔ pə taɣa layatɔnaa tike wəkəna liyitee. Pəyele pə taɣa nyəntaa tike wenna nyɔleleŋ. Mpi pə tɔɔ tɔ, nyɔsəpəle yaa nyɔleleŋ makəna paa wei ké. ¹² Yɔlv ta nyɪ ɪ waatɔ na pə kəli tiina nna puluyɔ ɪsaya puuwa tɔ, yaa sumasi nsi pa nyəpa na pə kpa tɔ. Səm həkə yəlaa ké na pə tutiyi-wɛ ɪsu tiina na sumasi sənɛ.

¹³ Ma nawa antulinya taa ké nyəm nəɣəsəle na pə la-m piti. ¹⁴ Icaliya nakəli kaa wenna ka taa yəlaa ta tɔɔ. M'p'óg'ú wulav sɔsɔ nəɣəlv ɪ yoonə-ke na í ta-keɣe kotaya. Uena í ŋma kolunɔ səsaya taka si í hikina ka taa yəlaa. ¹⁵ Apalɔ ləməyasəe tɔ kɔnyəntɔ nəɣəlv ɪ ka wɛ ka taa tənə, na ye ɪcate nyəma ka pola ɪ kin ɪ ka waasa-wɛ na ɪ ləməyasəe anɪ. Ama ɪ kɔnyəŋ tɔɔ, ɪlɛ ɪcate tɔ nəɣəlv ɪ ta toosi si í polo na í na-ɪ. ^a ɪlɛ nəɣəlv ta tɔɔsi ɪ tɔɔ. ¹⁶ M'p'óg'ú ma tɔma si ləməyasəe kəla teu ke toma. Paa na mpɔ pa nyənəɣi kɔnyəntɔ ləməyasəe ke yem ké, nəɣəlv ɪ nukɪ ɪ təm. ¹⁷ Ləməyasəe nyəma kɔyɔɣɔtɔtɔ nti yəlaa nukɪ təpamm tɔ tə kəla teu ke hola nna nyɔyɔ tɔ holiyina nyɔɔŋ fɛinaa tɔ. ¹⁸ Ləməyasəe kəla teu

^a **9:15** Lɛlaa tɛlɛsəɣi si apalɔ kɔnyəntɔ waasa ɪcate

ke youu wontu ké. Ama isayau kolum wakələyana kupaantu payale.

10

¹ Mpyóyó lamayasee tu tasaa si teitei isu kacosi tukoyu tulaalu taa na pé wakəli-i tó, mpv tətəyó kumelentu picium wakələyi lamayasee na teu.

² Lamayasee tu huwee siyisina i ntəyən tó ké, ilena nyuyufei tu huwee náá keena i mpətəŋ tó.

³ Ye nyuyufei tu tən mpaav taa, i lamayasee lanuyu katatəlaya tó, pə laki ké na leləa nyəmi-i si nyuyufei tu. ⁴ Ye nyá səsə mu-ŋ na pááná, taa kisi nyá təmlə. Mpi tó, təpamm lakasi cələyana yulu ke kupaantu yu səsəu ké. ⁵ Isayatu natələyi ma nawa ate na té nəyəsəna isu pə liyituyuu nyuyu tu na í pənti pulu tó.

⁶ Yulu kumelən hikiyi təmlə səsəle, ilena liyitee tu náá we səkpete taa. ⁷ Ma nawa yomaa caya krayanəŋ na awulumpiya náá tən nəəheə isu yomaa.

⁸ Ye wei i hula púyó i hotiyi ku taa ké, ilena təm nyasa wei i caatəyi kolunə tó. ⁹ Ye wei i laki təmlə ke pəe təyəkəle a kyi-i ké, ilena taasi fayalu náá we asola taa. ¹⁰ Ye laale tima na pá ta sala-te, ketulu ke pə nukí təm naale. Ama lamayasee yekina na yulu waa. ¹¹ Ye təm nyasa i tu waatu iní təm tu iní i tá waa tūmaa tóu taa kéle.

Yəyətəyá kekeke cəlyu

¹² Yəlaa caaki lamayasee tu kuyəyətutu ké. Ilena nyuyufei tu kuyəyətutu náá wakələyi-i. ¹³ Kumelətam ke i caaləyana, ilena í təkəna kraŋuyu nyəntu. ¹⁴ Nyuyufei tu luləsəyi kuyəyətutu ké. Yulu ta nyi mpi pu kəu tó. Awe ká keesi-i mpi pu te na pé la i səm

waali tō? ¹⁵ Nyūyūfēi tu kaakəna i təmlē ké. Ii tu nyəŋ na í polo ɪcatē taa.

¹⁶ Ye tətʷ wənə wulav ɪwaasələ na i waali nyəma təmlē nté hiluyū tike, tətʷ nti tə təm wē wayo ké. ¹⁷ Tətʷ nti tə nu leleŋ təgələ nti tə wulav ké kasayampu na i waali nyəma təkɪ pa təgənaya ke ka waatʷ sɪ pá hiki toma, pə taya acima tō. ¹⁸ Felentú wei i ta paasəna i kutuluyū tayanuyʷ tō ku hotiyi ké, na kaakentu nyəŋku náá luliyi. ¹⁹ Yulʷ lakɪ təgənaya ké sɪ í təgə na í nu leleŋ, ɪlənə solum náá heesi laŋlɛ, na liyitee ke pa lakəna pə təna. ²⁰ Taa tʷw wulav ke nyá lotu taa, pəyele taa tʷw liyitee tu ke nyá nan kʷhəntuyʷ taa. Pə taya pulʷ, kacəka heeliyina təm.

11

Məsəməsə lapʷ

¹ Pəti nyá təgənaya ke lum tō, kuyaku nakʷli n ká tē na n̄ tayanɪ-keɣe hikuyū. ² Ha nyá wənəw həgəluyʷ ke yələa naatosompəgəlaya yaa pələfēi naanʷwa. Mpi tō, n ta nyɪ ɪsəyatʷ nti tu mayana-ŋ antulinya taa tō. ³ Paa timpi tō ké tʷyʷ hotinaa, ku lonte taa tənaya ku saaləyi. Ye tēw i pilaa na ŋmɔntuyʷ susi ku nukɪ teu ké. ⁴ Wei i fenjiyi heelim tō u tuuki pulʷ, na wei ɪlɛ i paasəgəna ɪsəŋmɔntʷ ke nyənuyʷ tō u kʷŋ pulʷ. ⁵ N kaa pəsi na n̄ cəkəna heelim mpaaw. Pəyele n kaa nyɪ ɪsəna pə ŋmaaki pəyaya ke ka too lotu taa na ka feesiyi tō. Mpu tətəgə nn pəsəyi na n̄ cəkəna ɪsə wei i lakɪ pə təna tō i təmlē. ⁶ Pə tō ké pə wē sɪ n̄ tuu nyá kututuuum ke tanəŋ tēe haləna taanaya, taa heesi. Pə taya pulʷ, n ta nyɪ sɪ tanəŋ yaa taanaya kututuuum ká kələna lapʷ, yaa pə təna pu wēe teu.

⁷ Ilim naakɔyɔ tɔ pə wɛ teu kɛ́, na isɛ lanjɛ hɛɛkəna pə nyaaləm. ⁸ Ye yɔlɔ weesuyɔ tayala pɔsɪ payalɛ, í sa Isɔ kɛ́ sɪ tənə sɪ tɔɔ. Ama í tɔɔsɪ kɛ́ sɪ səkɔɔtɔyɔ kuyɛɛŋ ká wɛɛ payalɛ. Pə tənə mpi pə kəŋ tɔ pə cɛkənav wɛ katɛ kɛ́.

Kɔfalan yəlaa layatv tasvyv

⁹ Ifepu nyá, yɔɔlənə nyá ifepile kɛ tə waatv na ń nu tə lelen, tən isənə pə ha-ŋ nyá lotu taa tɔ, na isənə nyá isɛ naaki tɔ. Ama tɔɔsɪ kɛ́ sɪ Isɔ ká tɛ na í yaa-ŋ huɔlɛ kɛ pə tənə pə tɔɔ. ¹⁰ Hatələnə nyá nyamɛ kɛ nəɣəsɛɛ, na ń cələnə nyá tənɔyɔ kɛ wɔsasi. Pə tayə pɔlɔ, ifepile na tə alaafəyə wɛ tɛm kɛ́.

12

¹ Ama tɔɔsɪ nyá ŋmalɔ tɔɔ kɛ́ nyá ifepile kuyɛɛŋ taa, na pɛ́cɔ́ wɛɛ asayɛɛ na pɔsɪ nsi sɪ taa ŋ ká tɔ sɪ: Weesuyɔ fɛɛ-m lelen tɔ sɪ kɔɔ. ² Na pɛ́cɔ́ ilim, na nyaaləm, na isɔtɔ, na isɔtulɔŋasɪ yu nyá tɔɔ, na pə wɛɛ isu tɛv fɛɛkɔyɔ na isɔŋmɔntv tayani lapv tɔ. ³ Waatv inəyi nyá ŋkpalasɪ nsi sɪ kentiyi-ŋ tɔ sɪ suukɪ seluyɔ, na nyá nəɔhɛɛ ton nyənə nna inɪ a səɣələyi-ŋ tɔ á nuki, na nyá kela nna a ka wɛ isu nanjɛ tɔ á pasa holuyɔ, na á hɛɛsɪ nanɔyɔ, na nyá isɛ nna a wɛ isu pətɔlee nyənɛlaa tɔ á wu nav. ⁴ Saa inəyi nyá ŋkraŋŋ təkəyi, na nyá nəɣɔ pasa, na kampaav kooɔ feesiyi-ŋ, na yontunaa tənə lelen sɪ. ⁵ Na ń wu təkpalɛnaa, na mpaav wɛ-ŋ səɣəntv, na nyá nyɔyɔ huɔlɔmɪ isu tɔyɔ ŋku kv hɛtɔ huɔlɔmaa tɔ. Na nyá nəɔhɛɛ məli-ŋ yuŋ isu səɣəla, na tuusi pee kɔnyulɔyɔ sɪ nyá nəɣɔ taa. Kɔyakv nakvli ilɛna pá pona-ŋ nyá kantəkayə təyayə taa na wiilaa náá cɔɔkɪ hapələ tɔɔ. ⁶ Tɔɔsɪ nyá ŋmalɔ tɔɔ na pɛ́cɔ́ nyá weesuyɔ ŋku kv wɛ isu liyitee

nyəǵəlvu ηmənaya tə ku cε, yaa ku yəki isu wula hεεv yaa lum həyaya kε hite nəǵə, yaa ku cε isu pəpəte kululule cεkvu na tə hoti ləkə taa tə. ⁷ Na pácó nyá tənυv pəsi tetv nti paa ηmana-ku tə, na nyá feesuyv náa məli Iso wei ι ka tv-ku tə ι kin.

⁸ Mpyvle lamayasεε tu təma si pə təna pə wε piti kέ na pə cεkənav wε katε.

Kvəkətv

⁹ Pə taya lamayasεε tike kε waasu tv ka wεna. Ι seǵesa yəlaa kε nyəm təm. Pəyele ι nuwa atuwa na í yasi a taa na í tayanι a payale. ¹⁰ Lamayasεε tu kaasa ι təǵι na í hiki təm leleη nyəntv na í teləsi-təǵι teitei. Tə kέ təm tampana nyəntv kέ. ¹¹ Lamayasεε tv kvəǵətv wεε kέ isu kpatóyó kuseηtv ηku pa keetiγina naaη tə, na nyəma wena kaləkəη nyéma kama tə. Tiikilu kulvm ιnι ι kamna-ye. ^a ¹² Pəle pə paasi de ma pəyalv, paasəna si takelasι payale ηmaav fei tənaya, na nyəm pεekvu katatəlaya kaaki tənυv kέ.

¹³ Seǵesvυv kvne kv nyvυv nté si í nyana Iso, na í təkəγι ι kvəsutv. Təmlε nte pə tv paa yulv wei si í la təǵale. ¹⁴ Iso ká hvna yəlaa kε pa kulapvtv təna təo kέ, paa kvηmesətv kvpantv yaa isayav.

^a **12:11** Tiikilu: Tiikilu ινεγε cəne, pə pəsəγι na pə wεε Iso yaa Salvməη, halι lelaa ná təη si Moisi.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 21 Feb 2024 from source files dated 31 Aug 2023

ef14191a-91f7-51c1-ac89-7b93dd7c4377